

歐

北

集

甌北集卷十六

起巳丑七月
至庚寅九月

陽湖 趙翼 耘菰

入小鎮安

一路炎蒸歷幾旬到官甘澍灑程勻豈隨太守雙輪雨
應洗征夫十斛塵宛宛前途驂篠隊依依舊日脫鞵人
共言此去欣無恙只是微添白髮新

回鎮安官舍

兩載身隨勁旅屯得歸縣舍總

君恩愧無績可留銅柱敢幸生猶入玉門口不談兵聊
守然心仍見獵想這奔篋中一卷滇行草略記鴻泥指
爪痕

十笏衙齋澹夕暉依然枯衲掩山扉去時父老愁長別

到日妻孥已大歸

余以身在兵間
先遣家累歸

難燭案前披訟牒洗塵杯

下脫征衣卻慚戎幕毫無補偃仰徒誇髀肉肥

署齋偶得

閨媛或有私時猶恐人知娼女卽改行見客仍笑嬉由
來出身異意趣自各岐與聘卻扇妓寧買破爪姬所以
劉士安轉運兼度支筦庫必用士不使吏爲之

城市犬能吠專吠藍纓人鄉村犬亦吠反吠衣履新由
其所見陋生不識冠巾毋怪狗苟徒讐正群狺狺彼其
心目中好醜本不分自非同氣類相遇必怒瞋亦復何
足責彼固非人身

夕陽在西下，紅乃映海東。震雷鼓一鳴，百里聞隆隆。由來聲與光，所屆遠莫窮。奈何嶮巇流，目睫謀徒工。死爲無名鬼，生爲無是公。君子務其大，意氣高於虹。

歸德峽

田州南去急，流瀑峽東渾。如勒馬還洞，古每飛蝙蝠。大濤奔不駭，鷲鷲間危磯。石透骷髏竅，絕壁若玳瑁。翠斑曾是文成用，師地時清久。撤戍旗殷。

橫州大灘謁伏波將軍廟

功名非水戰，祠祭乃江濱。直以將軍號，長爲水府神。蠻方銅柱界，漢戶馬流人。何必雲臺像，千秋廟貌新。我來祠下過，江水正蒼茫。石齒千堆雪，灘心百沸湯。據

鞍餘矍鑠裏革想飛揚彷彿英靈氣洪濤共激昂

桂平道中

秋風吹上髻毛斑又數郡籤過急灘遠嶺路高人似豆
空江水落岸如山孤吟詩應寒蟬噪倦旅心隨暮鳥還
向晚扁舟泊何處一燈漁火認前灣

寓端州閱江樓喜蔣南邨州牧至

飛簷角立倚崧臺

樓基名

豁落晴江望眼開百尺正慙豪士

臥一帆恰遇故人來聯吟鴈鵲青花硯共泛羚羊白浪

堆獨愧樓名故鄉似

金陵亦有閱江樓見宋景濂記

天涯鴻爪首同回

梧州道中

博白綠珠渡容管楊妃井

楊妃生容州雲陵里今有楊妃井見廣西省誌及郎瑛七修類稿

相望數

百里芳名至今永何哉二美人俱產蠻荒境得非近蒼
梧湘妃昔悲哽彈落啼紅淚幻出雙女靚此語殊唐突
貞魂豈艷影南天本偏氣十月開桃杏冶麗有獨鍾每
化作災青君看兩嬋娟明慧性所秉一爲亡家媒一爲
破國弇雖墜金谷樓亦殉馬嵬嶺至今悲禍水猶覺埋
香幸我來訪遺踪一歎胭脂冷野渡水空流古井波已
靜紅顏久黃土作詩但垂警邨女獨何爲還羨風流逞
渡頭迎畫楫井邊汲修綆

隨周山茨觀察赴桂林有作

于邁從公畫舫移江行消得上灘遲唱酬客路增新咏
脫畧官場恃舊知蠲渴雪分紅荔啖助談風起白蘋吹

上司屬吏皆詞客成此風流一段奇

詞垣忽漫各揚鏹劉井柯亭一夢迢吏事漸增新學問
詩情兼譜野歌謠從軍我愧遺三矢按部公能振六條
雅誼欣叨恕狂態還如鎖院話寒宵

壬午秋與公分校京闕

宿南寧敷文書院王文成平田州時駐師講學處
也瞻拜遺像敬誌二律

清高遺像見名賢講學臺空尙巋然公已身兼三不朽
我憐生晚百餘年真源却自龍塲得此地應偕鹿洞傳
五體能無投地拜瓣香親炷一爐烟

駐師邕管爲田州談笑功成帖兩首

盧森玉受

餘事更教藤峽

斷

平田州後復討破大藤峽賊

奇勲先著賴江流

擒宸濠事在前

漫勞異學譜儒詆

生火中熾齊諧難盡大塊奇諾臯僅逞拘墟智茲榕專
以石氣長猶是物理之常無足異詩成非以炫多識聊
補南方草木記

鑒隘塘驛舍小憩

偶然畱駐馬地僻愜幽尋古木翠圍屋夕陽紅滿林山
雲沒骨盡澗水不絃琴頗覺忘塵鞅悠然生道心

上界有司

纜在高山上船在深峽底相去百丈餘奮呼不到耳挽
船逆流上雪雪爭尺咫滿船十數命一綫懸生死中涂
倘一斷粉碎磨石齒嗚呼我何爲輕生乃過此

歸順州龍潭觀打魚

山痕如黛水如膏略似西湖可放舸只少蘇隄春色好

一株楊柳一株桃

時鵲州牧湯存方種樹

公矢棠魚事不經虛窗恰映四山青勞他士女偏相就
欲號環滁醉守亭

華崗

仇池小有天遠落武都氏桃花秦人洞深藏武陵溪乃
知好林壑多在蠻獠黎水經括地志或有不及稽迢迢
歸順州天末接交趾從古無人到爲僻處邊鄙豈知云
里內處處佳山水就中推華崗尤擅清景必有山必
田有田必有泉畝歲收二鍾不識旱潦年屋四五
枕麓臨淪漣依依榆柳樹綠陰連陌阡染衣刈藍草織

布種木棉拾樵可供爨把釣時獲鮮五雞二母龔賽社
爾客便所買只鹽豉餘者不用錢人各長子孫朝耕暮
歸眠其俗總淳樸一概無愚賢混沌所未鑿畱此太古
天繫我倦遊人忽睹茲風味不覺意也消曷禁心乎醉
昔宋士大夫每家宦遊地清潁築室謀陽羨買田計故
鄉雖難忘佳境良不易他年擬拙簪卜築於此寄同爲
一齊民莫呼舊長吏

嶺漢卡檄安南官勘地

中外毗連處居民起細爭釐先曾假許田豈得歸觴一
筆鴻溝畫千秋馬角生番官虔奉約誓守載書盟
國計宜柔遠邊臣重守疆古來憂厝火多起釁爭桑虎

落新分界無籬謹立防銷萌無跡處庶以固金湯

夜坐

判罷文書覓句工結趺枯坐曲欄東池荷十裂秋將老
堂鼓三嚴夜正中警鶴避寒依樹密明蟾愛浴映波空
小胥見怪官齋燭笑我孤燈一穗紅

題春山仙奕圖

花落空山了不知爲他勝敗未分時神仙已遣名心斷
閒氣猶爭一着棋

局中算劫正勞神早有閒觀局外身袖手不來輕下子
爛柯人乃是仙人

人面竹

炎荒物產奇篠簞出異態近根節愈促節節面具戴五

官雖未備團團具梗概

歐陽詢嘲長孫無忌詩所以面團團見乾闥子

豐上開廣額銳

下剩短喙無鬚頤頤間有骨顴輔內得風未能笑滴雨
或當醜澹白恰傅粉嫩綠豈點黛幸無湘淚斑灑作疤
瘰癧密如並頭侶森若駢首隊鴈行排一一魚貫聯輩
輩周圍俱外向何處相君背客攜一株贈摩挲殊可愛
不中笛管吹肯截鼓棹攔量材刷爲杖圓潔叩竹賽魑
顏十八盤數與應真配詎敢以墨黥烙漆用火續幻出
衆羅漢睂目端正在與我相周旋論交久可耐乃知庶
彙蕃見聞有不逮虞衡志旣遺草木狀未載老夫喜駢
麗摘字爲尋對闔中佛手柑吳下鬼目菜

開經畧出師老官屯水陸攻圍緬人乞降班師奏

凱詩以誌喜

喜聞蠻徼已輸忱束甲和門請獻琛
化外狡夷真革面
征南上相本攻心
花蠻譯使衣裁毯
貝葉番書字縷金
鐵壁關前歌大凱
勒勲應在最高岑

遙識懽聲湧似濤
入關戰士解征袍
放歸逐北嘶風馬
洗罷征南帶血刀
絕徼遠來勞面誓
廣場大饗裏瘡勞
受降如此方威克
招致何曾一着高

前歲有以招降之說進者
上力斥其非決計用兵

頻年征調促郵符
絡繹津亭轉聚芻
隻日價同雙日雇

一鍾費至十鍾輸

恩給夫價皆加倍每米
一百至騰越費至三十金

夜郎雖大終歸漢
孟

獲成降爲渡瀘不是

廟謨能決計幾時此局了軍需

簪毫幕府忝從戎別去方聞息戰攻劇喜世堪長偃武
敢嫌身不與成功鐵橋波靜蠻江白銅鼓春喧社火紅
所惜摩崖吾未及筆端空負氣如虹

哭果毅阿公病歿於軍

曾從絕域立功回五百驍兵萬賊摧

回部之役公以五百兵收賊萬衆

使相旌

旗開幕府上公劍履畫雲臺攻心徼外勲垂就

距受降僅數日耳

曳足軍中志可哀太息金沙江畔路將星寒落浪花堆

曾忝軍諮畫策長血痕親見裹金瘡可憐病到三遺矢

猶自身衝百戰場門望高還傳帶礪國恩深爲紀旂

常獨悲丹旄還都日故吏無由奠一觴

土歌

春三二月墟場好蠻女紅妝趁墟期長裙闊袖結束新
不賭弓鞬三寸小誰家年少來唱歌不必與儂是中表
但看郎面似桃花郎唱儂歌不了一聲聲帶柔情流
輕如游絲向空裊有時被風忽吹斷曳過前山又嫋嫋
可憐歌闋臉波橫與郎相約月華皎曲調多言紅豆思
風光罕賦青梅標世間真無礙禪似入華胥夢縹緲
始知禮法本後起懷葛之民固未曉君不見雙雙粉蝶
作對飛也無媒妁訂難薦

山行

雨過林巒分外蒼
笛與晨起趁新涼
溪流頓比昨宵滿

野草不知何種香牛穩可騎
童按笛蠶眠欲起女提筐
共知太守無鞭扑結隊來看滿路旁

舟行

爲貪順水去乘舟其奈連朝遇石尤
畫鷁翻成退飛鳥
可憐辜負此江流

水風雙順可兼程却教來船何日行
他趁順風吾順水
天心原自最公平

平江道中

放棹滄江穩春堤草色新
山牛多似蝨沙鷺立如人
湖海名何有烟波意自親
中流澹容與暫此豁襟塵

元祐黨碑在桂林者今尙存沈魯堂太守揭一本

見示援筆作歌

崇寧四年二月吉臣京奉敕書黨籍首編元祐終元符
所在郡司咸勒石大書深刻何煌煌執政待制分班行
事從章相初定案七十三人已濫觴子瞻儋州子由雷
分地各就名偏旁茲更增列三百九直空人國無畱良
歿者追奪生者竄并禁子孫仕朝堂兼有曾持紹述議
亦得附驥分餘光問胡作此一網計衆正登朝我將棄
遂甘鑄鐵錯竟成肯令死灰燄重熾剪除異已期必盡
威福橫行乃無忌太師原是一魔君徐神翁語見錢氏私誌謬托左元
仙伯位林靈素謂京爲左元仙伯見家世舊聞龍腦烟浮別院香京焚香從別室透入見悅生隨抄鵜
羹命賤行廚味京好食鵜羹鵲乞命見虛谷開抄比鄰侍女知避名薛彞明家婢知避京

謂見燕
開常談

天子姻家親賜醉

見太清樓
侍宴記

回視南遷諸黨人瘴雨

蠻烟葬無地窮荒僦屋方坐愁相府歌鐘正得意豈知

公道昭日星錮之愈力名愈馨朝端枉矜九州鼎

蔡確等
結盟列

司馬光諸人名
金人入碎之

天下已誦千佛經

黨碑刻國子監有人題曰千
佛名經見宋李商甫舊聞

磨礪貞

石妙鐫刻翻似爲作功德銘嗚呼權奸所爭亦細故祇

此目前富貴具庸知數十年榮華不過蜉蝣一旦暮何

苦抵死讐正人徒供千載嬉笑怒冰山他日况崩摧白

頭也赴長沙路桃花三樹詔勒回

京委慕容邢武氏三人隨南行
有旨追取以金人指索也見王

明清神
廟錄

東明佛燈黑如霧

京死於長沙東明
寺見錢氏私誌

一樣投荒作逐臣

剩比諸賢多臭腐相傳星變已毀碑此碑何以完無虧

想因桂管地僻左深巖無人施斧椎碑陰不鐫刻工某

毋乃亦是安民爲沈侯好古捐一紙鐵畫銀鈎擅絕技
一點金鋒雖兆亂京書玉清宮額玉字一點極險急有道士曰此點乃金筆而鋒銳侵玉見老學菴筆記臨池功
深特秀美惜哉若亦作清流故自不減蘇黃米

貴縣途次奉

旨調守廣州感

恩誌遇兼寄別鎮安士民

詔除劇郡到番禺嶺外雄繁第一區萬里尙蒙

恩記憶頻年敢說跡馳驅

前歲赴滇從軍及今大調守皆奉特旨

定價夙願羅浮

月好續清聲合浦珠莫笑頭銜仍未換官叨

特簡此榮殊

到任三年五出疆在官曾未一年長

余抵鎮安以事赴省凡四

次又從軍鎮中兩閱歲地

偏恰似仇池穴俗厚難忘畏壘鄉本擬成圍看老柳愧
無遺蔭托甘棠最憐途次聞

新命不及公堂飲餞觴

鎮安雖僻自堪豪最喜蕭閒似馬曹片檄下時諸部肅
萬山深處一官高草亭置酒留賓醉花閣抄詩課吏勞
此福難消應準折從今判牘夜焚膏

繁華聞說五羊城人物嬉恬見太平鯨妾輕綃珠瑟瑟
蜚人畫舫水盈盈地當都會多盤錯身處脂膏要潔清
却喜移官鄉路近迎親較少二千程

舟次三水縣

羚羊峽口放船輕衝邑先經管內城衆水匯來江愈闊

萬山盡處地初平
津亭日麗朱旗影
埃館風高畫角聲
漸覺海邦繁庶象
豈宜領袖一書生

登鎮海樓

百尺樓高振策來
相傳地卽越王臺
似煩雄鎮一都會
曾閱偏安幾霸才
國俗尙沿劉龔侈
人文終自陸生開
時清勝境供遊矚
不用登臨弔古哀

光孝寺南漢烏金埵

寶幢屹立空王宅
觚稜矗天廿四尺
烏金爲質黃金塗
的爍迴向目光射
竹根節節拔地高
蕉葉盤盤摩空窄
千佛廻翔百龍繞
鳧氏卓氏妙刻劃
銘書大寶歲丁卯
南漢紀年傳自昔
想見偏霸氣力雄
豪侈傳家恣揮斥

鍊汞無取堇山銅鎔汁直煮昆吾石樽桑爲炭祝融冶
成此莊嚴供帝釋或疑亡王喜酷刑劍樹刀山血狼籍
得毋一朝自悔禍佞佛欲懺宿孽積或疑嶺表割據久
忽聞真主握符赤彈丸疆土當戒心冀仗楚力保宗祏
噫嘻乎歌舞岡頭正酣適豚人延登忠讜謫戲波斯女
如蝶蜂奉樊胡子若著筴魚英托子立柳壺荔枝轟宴
紅雲席處堂方同乳燕嬉依禪肯效怖鴿擇巍峩罕堵
裴祗洹詎爲祝延寓深策我聞五季諸僭僞皆廢民膏
漁竭澤漢去中土地最遠累世驕淫尤富溢壘石于番
洞室啓輦香于禺臺榭闢盤珠鞍勒誇南珍編玉殿庭
炫北客昌華苑作銷金窩媚川都定貢珎額窮汰極侈

不可殫要使觀者舌盡昨茲特餘力作佛事亦復巨麗
見標格至今相輪映日鐸語風作鎮山門逾拱壁豈知
當時出遊戲彈指矜現化城迹七級浮圖妙合尖直與
鏤金作牀同一役可憐羊頭二四天雨到山牛覓絲運
已絕稻田湧入魚藻門全家北徙朝市易離宮別館千
百所但剩寒烟一片白天慶觀中範銅像亦已銷毀流
爲液獨此剎竿尙巋然劫灰飛盡不崩拆應是托根四
禪地寂光能避兵火厄沉鎖雖看豎降幡鑄鐵尙未成
錯畫人天龍象長護持突兀訶林耀金碧

太恭人同舍弟夫婦及內子輩到官舍

燈花連夕報深紅真覺今朝樂也融甘口遂無虧缺處

十年多在別離中
洗塵酒滿頻添燭
順水船來不藉風
莫笑寒官作豪舉
黎園兩部畫欄東

滇南回憶舊從征
敢望重聯骨肉情
蘇軾有人傳浪死
王陵愁母欲捐生
玉關竟得全軀入
蘭櫓翻堪盡室迎
此段團圓總

君賜感深轉使淚縱橫

戲贈內子

薄宦蠶鹽共苦辛
分攜三載粵江濱
不知今夕真何夕
得與新人伴故人
惜別尙餘紅淚濕
見憐未遣翠眉顰
與君追話從軍事
繡佛燈前禮拜頻

南珍

維粵宅南位離火陽明所耀開菁英凡百瑰瑋負奇質
咸不脛走來羊城天寶旣徵孕毓厚人巧亦見工力精
不惟其產惟其聚奇彩耀市目欲眩南烹食貨且勿述
試數服玩僕屢更氎紋吉貝貢入筐繭絲胡蝶縵滿簾
盤金繡毳龍鳳舞蹴花文錦荇藻縈不知鯨人在何處
方空織出涼綃輕禽羽爲毳獸毛罽艷殺血染紅猩猩
雕鏤肖形推象齒圓爲牟尼方觚稜蕉葉剪裁掩紈扇
柳瓢褰相抵兕觥奩具斑浮璫珥暗屏風眼活孔雀翎
蟬翼燈清骨霧縠龍鬚席軟輕桃笙檀欒鐫器訝笏滑
玻璃懸鏡涵水明復有絕技出海外能運天咫規璣衡
機括測景針自指橐籥按刻鐘輒鳴其他珍異難殫述

碑礪瑪瑙猶嫌俗蜜蠟淨無雀腦白琥珀瑩有虬松顏
蒸栗膚腴黃蠟石落茄花映紫水晶就中更貴珊瑚樹
鐵網紋得逾球璜丹幹磊砢枝鬱律光賤絳燭高朱櫻
珊瑚以蠟燭紅爲賤櫻桃紅爲貴 瓊州沉香亦佳品黎母東洞最擅名伽倻

生結鴨頭綠招之指爪微痕生是皆貴重不易得市可
尙有價可評賞鑒家且置勿道別購骨董追姬羸土花
斑攷古彝鬲水銀斂辨舊玉珩晉唐名畫丹碧絹紫汝
秘瓷翡翠甕其晚出者寶蓋異金剛鑽及狸貓睛祖母
珠射綵華透松兒紋裂鐵線橫青金石取烏斯藏碧霞
璽採猛密阮更有珍珠似明月月華入蚌胚胎成合浦
六池產有幾販自番舶來重瀛重或數鉢大徑寸形體

圓滿光晶焚蘭楨雅宜玫瑰飾玉盤肯逐琵琶傾一握
便可百千索賈胡居奇恣取盈計直不數金三品誇富
何論貝百朋地大物齋信繁盛匹夫懷璧徒硜硜噫嘻
乎連城照乘古所艷要祇一得難兼營豈若此邦備衆
美始信真區用物宏從來物聚於有力惟購者衆始畢
呈爲問粵中各官吏其家豈必皆鄭程 朝廷制祿有
定額何以宦橐多奇贏伊余一雙書生眼乍睹不覺適
適驚腸飢未蹄羊蹄菜指動忍染龍鼎羹竭民脂膏飽
嗜好不有人禍將天刑吳隱酌泉表素節包老投硯垂
繳聲雲烟過眼付一笑蕭然氣味含孤清

接同年黃澤望書知其以嗜疾去官來主韶州講

席賦答

省垣風雅最何事去官歸書筆崔青蚓詩名杜紫薇
非河清疾和本郢人稀守黥原前訓摩兜省是非
山水韶陽好門生共昇簾傳經多筆授對客有甚談詩
豈吟方就禪原默可叅無言桃李樹已遍嶺梅南

喜吟鄰至時已得官中書舍人

閨門別後各相思喜爾簪毫入鳳池俗吏已無紅藥句
余考中書時詩題係紅藥當階翻故人來及荔支時離懷頻問兵間事行卷

新添嶺外詩獨愧簿書堆案冗難如京邸論心期

松陵結社語空堅在苒分飛又幾年我似狂奔夸父杖
君方快着祖生鞭市沽且醉錢三百官俸慚支存二千

却憶平生對牀友等身著述已堪傳

謂心餘

蜑船曲

畫舫凌波映曉梳盈盈十五似芙蓉儂家生長胭脂水

不要牽舟岸上居

衆人世居水上不得結廬於岸也

漢宮遺種有名花只在河南水一涯今夜定情何處宿

輕橈蕩入素馨斜

照影晴波似鏡中髻邊茉莉引香風曉粧別有施朱法
卯酒微醺兩頰紅

雨後出城看耕

珠江彌望雨連畦最喜郊原競把犁太守來隨青箬笠
小兒爭唱白銅鞮人衝溽暑多溷浪禾耐寒漈不築隄

不思海潮東有一種能耐賊浪
浪潮往來爲灌既謂之潮田

俗殺素馨斜畔路
舊花擔滿踏香泥

決囚歎

噫嘻乎伶仃洋渺無際昔文丞相過師地至今風浪聲
撼天彷彿尙帶英雄氣胡爲化作羣盜數剽掠公行肆
無忌快篷急槳使若飛出沒波濤賭輕利相逢肯放估
客過囊橐劫歸屍暗棄時清已聚萑苻雄日久將釀夏
延勢新來太守書生弱下令空嚴編保甲動聞覆舟人
葬魚在遺賫文官祭鯉一朝事敗懸賞捕瓜蔓相連盡
就縛釣距那許複壁藏况敢嘯入雞公泊到此波吒始
乞命命已頃刻懸鼎鑊可憐三十八少年慘似雞豚受
剝膊其餘遺戍燉煌西魂魄萬古委沙漠從此行旅酌

酒賀揚帆不唱風波惡嗟爾醜徒孽自作太守殺爾本
不錯三尺具在誰敢弛一網打盡正足樂獨慚古昔有
循吏使民賣刀務耕鑿我今但快駢戮多毋乃不教而
殺謂之虐

移守廣州在途次聞 命卽赴新任未得與鎮安
士民一別也今到廣已五閱月鎮安老民陳恂
等五十餘人不遠三千里送萬民衣繖到署爲
感其意而作此詩

數千里外野人芹殊愧依依衆士民黃繖豈多遺蔭在
緇衣偏荷改爲新及身樂布祠齊社他日廉頗憶趙人
僂指平生宦遊蹟此邦風俗最稱淳

邀陸耳山簡玉亭兩主試泛舟珠江兼赴海幢寺

賞菊

蘭譜交遊跡未賒分攜五載感蒼葭故人天上來持節
老友江邊請泛槎蕭寺晚涼驚海氣鎖闌舊事憶京華
使星畱此無多日莫負樽前菊有花

尉佗朝漢臺故址

戍削危基峙長隅登臨想見昔鴻模地傳椎髻迎賓處
人過虬髯入海圖千尺北臺猶拜使百城南面竟稱孤
屈伸自是英雄事遊說非關陸大夫

花田

即素馨斜南漢葬宮人處
多素馨花今爲遊宴地

十里芳林傍水涯當年曾是玉鈎斜美人死後爲香草

醉守來時正好花滿地種珠誇老圃千筐帶露入豪家
蜚娘頭上微風過勾盡遊人是髣鴉

侯官林侗所藏甘泉瓦王阮亭朱竹垞查初白皆
有詩翁覃溪學士視學粵東侗子某復攜來乞
詩覃溪旣爲作歌又摹入素冊書前人詩於左
方而囑余續貂於後爰題長句就正

侯官林侗甘泉瓦當代巨手皆賦詩覃溪先生雅好事
又搗硬黃索我詞我於諸老無能役敢復貂續作笑資
聊復披圖覽古蹟大徑三寸圓如規中有長生未央字
環以輪郭完無虧知是甃筒覆簷際其而外向承溜垂
由來甘泉漢武造好大豈顧物力疲當日陶人妙搏埴

一片或費千工施聞有豹章蛇蟠尾益壽延壽字更奇
茲瓦特一滄海粟已與銅盤金爵爭鑪錘後來鄴都益
踵事銅雀冰井尤陸離白葛絺先瀘渣滓胡桃油更添
華滋陰文陽文紀年號錫花雷斧皴入肌揆厥作俑總
由此濫觴遂致無當厄然則此乃不祥物寶之什襲將
奚爲唐人軍瓦爲斷視其時款端二石人未知自從蚌
坑出汲經兼復龍尾開刷絲斑有鸞哥了哥眼紋有金
星銀星斜迴視陶泐已凡品底用奇貨矜不貲旣輸瓦
盆盛酒醴并愧瓦缶諧墳簞何如一擲付瓦裂免使土
木之妖長畱遺先生冠纓頓索絕古物豈必奴子姬倫
須三代法物始足貴安得如許球圖琬琰虎雌彝君不

見五都骨董競購取咸京羅什逾珣琪下逮柴汝官哥
定鑒賞直到窯中瓷况茲千九百年物非有神物曷護
持隸書四字更蒼古手筆未遠邈與斯瓴甌已帶西漢
土點畫况擬先秦碑摹之素冊作清玩雲烟供養堪忘
飢笑我陋儒不解事捲圖歸去竊幸瓦全彌自怡

李郎曲

李郎昔在長安見高館張燈文酒饌烏雲斜綰出場來
滿堂動色驚絕艷得郎一盼眼波留千人萬人共生羞
人方愛看郎顏紅郎亦看人廣座中一个狀元猶未遇
秋帆時爲舍人被郎瞥睹識英雄每當舞散歌闌後來伴書幃琢
句工畢卓瓮頭扶醉起鄂君被底把香燭但申嚙臂盟

言切并解纒頭旅食供明年對策金門射果然榜發魁
天下從此雞鳴內助功不屬中閨屬外舍五花官詔合
移封郎不言勞轉謙謝專恩肯作鄭櫻桃儘許後房多
紛麝狀元官貴擁高牙匹馬相從萬里賒爲聽甘涼邊
曲好相從臯
湖官舍當筵改學撥琵琶主人酬贈千金橐幸客莊
嚴七寶車送上雲程心事了忽傷老大苦思家思家泣
與東君別歸到姑蘇百花宅舊時同伴見貲多誰不咨
嗟眼光亦豈知遊興猶未已盡倒囊金買瑤碧捆載巾
箱過嶺來昔是玉人今玉客時取玉
玩至粵謁儂恰趁放衙早不
覺相迎歷爲倒通詞曾記托微波欲卽仍離郎太狡往
日挑琴未目成今朝擁轍偏人老西子重逢范大夫非

復當時浣紗好成陰樹已感司勳輓釜聲兼記邱嫂廻
憶華年淡泊遭編衷那禁私相惱生平不喫懶殘殘偏
是人間禁鬱難初日杲蓮雖已褪晚風緒柳尙堪攀樽
前軟語聊調笑李下何妨一整冠

甌北集卷十七

起庚寅十月
壬辛卯七月

陽湖 趙翼 耘菘

祭南海廟禮成二十韻

秩祀南溟重時維月孟冬扶胥襟粵會廣利紀唐封地在九州盡王爲百谷宗周廊簷四角複殿陞三重環楹

威嚴勢垂旒肅穆容介鱗森拱衛禕翟配印隨王夫人
亦有像巖

厦穹碑壯波羅古樹穠玉書無跡考銅鼓有聲春崇禎古
碑記廟

有玉簡今不可安惟
林語所載銅鼓尚存是夕宵氛淨中天月色濃蕭蕭升鶴燄炬

火似熬峯濤戢冰夷怒風收颶母凶星河垂角絡劍佩

集璫瑤蜺節悠揚動金支颯沓從羣靈朝貝闕萬派滙

珠深腥氣蛺蝶隊陰光彷彿蹤工歌翔鶴鵠人立舞魚

龍宴娛神應喜歆居禮益恭不揚占浪靜善下豈堤衝
水線安佑客潮田阜澤農永昭清晏德於廓助時雍

登浴日亭

禮罷神祠肅炳蕭振衣千仞躡岑巖雞聲欲白三更日
漁火猶紅半夜潮化羽何當仙島戲採芝未覺祖洲遙
登臨又起滄波興歸路虛舟轉沈寥

倬其送子景滄來就婚

送子爲齊贅間關路幾千官憐需次後

似此與金剛
年今尚需次

交在議

婚前賣犬營庵具牽牛貫聘錢依然兩措大不侈禮文
全

正值門楣喜何因轉惘如頭顱行漸老婚嫁此纔初往

事懷鸞鏡

女爲余亡內
劉恭人出

新妝勉鹿車相期守儒素不遺佩璫

琚

石蟹

客來貽我兩郭索石質天成不雕鑿拳丁八跪臍雙尖
滿堂動色海物錯堆盤正擬左手持忽覺磴磴齒難嚼
雙螯執鉞尙如衛一鼓成匡不可斲空煩門生議糖餒
枉勞養子費糠糲可憐彭越真壯士死骨千年猶岿峩
斂盡橫行萬里心化作一卷堅石魄相傳產自崖州濱
寒沙所生本軟弱出水則死不移替得風而硬已非昨
薦來錯杓難淪羹劑以刀圭堪入藥能令昏目清障翳
兼療熱瘡去煩灼蟹圖十二且未載縱讀爾雅詎云博

始知化工固奇詭繁夥未可臆見度木浮乃有沉香堅
石沉乃有浮磬薄食鐵之獸吐火雞化蜃者雉變蛤雀
繁茲變幻何足異水土陰凝成磊落陋儒少見每多怪
說與但增心膽愕母怪片牋過函關懸之戶楣可愈瘡

崖山

日落蒼山海氣昏會傳殘宋水師屯六更漫續庚申帝
一旅難支甲子門身入膠舟無返駕膽焚鐵斗有忠魂
可憐不及章安鎮猶保東南半壁存

章安鎮在明州宋高宗
航海潰舟處見東巡記

慈元殿

宋楊太后同
帝昀居此

中土無家寄海隅數椽椒寢莽榛蕪遺蹤漫擬陽人聚

秦遷周後
於陽人聚塊肉曾攜趙氏孤臣妾僉名羞作表公卿負辰

儼成圖最憐涕泣臨危語何減唐宮麥飯呼

永福陵

宋端宗葬處

白楊衰草黯孤墳猶號前朝舊寢園窮海運移朱鳥囓
空山人拜杜鵑魂曾無翁仲環陵闕幸免僧伽掘隧門
想見倉皇營渴葬冬青也復少移根

大忠祠

祀文天祥陸秀夫張世傑

突兀荒祠俯白洋長令過客奠椒漿綸無一旅圖邦復
殷有三仁繫國亡事往南枝猶宰樹年深東海幾栽桑
只今浪打崖山處猶似胥濤氣激昂

番舶

巽嶽百丈船橫潮若山嶂一載千婆蘭

番語三百斤爲一婆蘭

其巨不

可量前繪鵠首獐旁點魚目眈器大資材多製造費萬
匠山芳水杪櫂取其耐鹹浪兼防磁石觸鎖鐵非所仗
銅以石腦油釘之枕櫂杖其艚分數層一一橫板擋闊
竇列銃礮皮閣實貨藏水櫃百斛泉米困千石餉入則
縋而下出則縋以上閉成壘穴昏開有線天亮後樓爲
明窗主者居頗暢玻璃嵌綺疏辟支裁錦帳架土有菜
畦列盆作花常瑣屑無不備益見表且廣當其泛海來
澎湃乘溟漲枕師視羅經芒芴辨厥嚮張帆三桅竿卷
舒出意剗頰若垂天雲足使紅日障瞬息千里凌虛
快奔放操舟不以力役使罡風壯混茫一氣中孤行空
所傍星斗互出沒日月相摩盪雨每陰火騰騰或赤光

場時遇難陀龍掉尾濤激宕亦有摩竭魚欲吞輒引吭
奇險出頃刻奮死起相抗百門佛郎機轟迸毒霧瘴激
射聲弩矢拋擲到在盍號咷呼天如哀慘顙神將力憊
幸得脫魂魄數日喪嗟爾海外人豈愛魚腹葬不惜九
死行爲冀三倍償重利而輕生舉世固同志伊余過虎
門適遇碇五兩梯登試一觀心目得超曠賈胡碧眼睛
難易迴殊狀窄衣緊裹身文縐不挾纊腰帶金錯刀手
樹玉色釀兔冠挾入腋鞠躬作謙讓云以敬貴客其俗
禮所尙噉嚼語舌人此舶縱高閎若在重洋中只如豆
子樣其理固有然斯言信非妄因思九州大稗海環滌
瀛天實間隔之誰能使內向惟中國有聖休氣遠乃望

賭茲重譯通足徵景運旺陋彼漢張騫區區考珣醬儒
臣忝守土行邊細諮訪時清梯航集洵屬和會罔亦貴
撫馭宜俾奉條約諒逐末犯風濤其氣頗飛颺
勾通市僧設供養懷柔固在綏瑕纇亦須防作詩
遠不同小海唱

虎門望海

目力將窮境更賒望洋今日得雄誇信知地外皆爲水
應到天邊始是涯蛟蜃嘘還成幻市神仙過或馭飛車
蒼茫何處蓬壺路我欲揚帆採石華

席散偶作

小部梨園夜譙圓千枝畫燭照璣璣笙歌散後虛堂靜

危坐依然一老儒

劉王郊基

衰草寒蕪一片秋
猶傳粵漢舊郊邱
闕餘天豈分南顧
運去星皆向北流
燿火無靈光久滅
盛圭何處氣全收
祇聞身作降王長
陪祀班高在汴州

海珠寺

江水從西來海潮自東至
一柱當中流厥惟海珠寺
石根插飛濤礙此百弓地
能隨水長落又似憑虛繫
蒼茫烟波內一朶浪花沸
上有水晶宮凌空擅清閭
層樓入穹漢千里目可寄
高榕森綠陰遠縉雲霧翠
其外樓櫓周礮眼若鱗次
鎖鑰壯都會亦以寓警備
人物儼墟形

臺殿層市氣地真浮玉如名叶照乘譬大水環之流恰
作圓折勢千艘往來繞亦似驪龍戲我來一登臨爽朗
豁心意向疑珠宮名齊諧但誌異豈知今日遊真入圓
光麗其中况迴複層折照階砌笑比九曲穿身乃化爲
蟻

署園漫興

廨舍西偏地一區高榕疎柳帶平蕪園非司馬光名獨
景可勾龍爽作圖纖曲半規池影皺玲瓏九曜石身癰
九曜石南漢故物今在學使署而
臬司及廣州府署亦各有其一所嫌退食餘閒少未許凝香坐
結趺

宴劉總戎福副戎於署園卽事

高館張燈夕月涼
梨園小部奏清商
深杯莫負將軍腹
艷曲難爲刺史腸
老去閒情惟散誕
戲中故事本荒唐
新翻酸段須聽徧
笑口能開得幾場

次韻答心餘見寄

白鶴翔雲端青松鬱澗底
當代數人物吾友江右士
瘦骨不勝衣恂恂文弱子
逸才乃曠代豪氣更蓋世
中歲早循陔樊籠驚決起身是
罷官初業方著書始磊落
五千首新詩絕倫比
白傅愁壓倒劉楨
敢平視聲光映江介
目已無緋紫憶昨初定交
中書制草擬暇輒相過
從流連日移晷尋春同隊魚
罵座觸邪虜先後入詞苑
揮毫進綈几詩歌大宛馬
賦奏越裳雉最是京兆闢
秋清

風日美劇談聲轟然雅謔笑莞爾論文頻剪燭角句時
擁被我方豎降旗君復起摩壘世間無此樂直從太白
死爰及兩山妻情好亦如此餽遺若親串婉婉儼娣姒
年家來往頻熟識到僕婢一朝君買舟攜家竟南徙擺
落爭千秋不計日曉昃已甘菜肚淡詎厭肉食鄙目中
本無人足中任有鬼載酒江湖間讀書巖壑裏盤谷是
耶非捷徑其然豈而我出作郡萬里操鞭箠大官壓滿
頭聞漢養千指滇南况從軍戰鼓聲咽耳草檄腐毫禿
擺邊哨騎駛役滿賦歸與力薄愧憊矣內移得善地除
書出尚璽

至尊憫微臣俯恤到肌理所慚迂鈍質難副繁劇委三

木曉呼囚一燈夜判紙師丹每善忘陽膚但勿喜由來
吏才少時命當坎止自笑烏棲泉人嗤鼠窮技卻憶君
歸田已閱歲華幾未愁子蓬頭何嫌婢無齒叢山主講
席距家亦甚邇君時主叢山書院結社多唱酬掩關無拜跪游戲
初平羊汗漫琴高鯉何常來從游就正一編是久別念
友朋多病懷桑梓緘詩報來章夢逐鑑湖水

附
原作

蔣士銓

皇帝甲戌春識君矮屋底巖電橫雙眸共稱天下士云
出松泉門捉刀冠餘子搖毫涌詞源睥睨無一世春
官俄報罷蹶者旋復起同時遶薇省兩人訂交始君
俄入樞密才望絕倫比一手揮七制省吏竊驚視直

氣抗令僕狂名歷金紫堂堂燕許文君作多進擬辛

巳對大廷萬言移寸晷換筆收波磔恐有坡識廌

遂迷五色目第一陳綈儿

廷試時君以讀卷官多素識恐其避嫌見抑遂變易字跡竟其有識別者果以

進呈神山風引迴得盧乃成雉癰哉探花郎不若徐公

美京兆壬午閑借君相汝爾坐對論文燈眠共吟詩

被談元交箭鋒說鬼驅鬱壘洋洋同隊魚斯樂可忘

死平生匝月中萬事無過此可憐兩孟光亦復如娣

姒布荆儼伯仲勞苦兼童婢我病奉母歸浮家數遷

徙謂君翔雲霄不管尺與咫詎擁一麾出遠落蠻夷

鄙瘴癘叢花苗岸嶢布奇鬼况復奉軍書馳驟兵戈

裏子厚謫居非王粲從軍豈轉運驅馬牛秣飼操鞭

筆邊塵染雙髻彩筆辭十指當時金閨彥不死幾希
耳班師奏凱歌放君去如駛重開太守衙眷屬久歸
矣徐徐展勞筋細細拭前璽孳孳用拊循井井立條
理誰知清獻孫琴鶴盡捐委寄我雙南金附以書一
紙十詩話行藏兩什訴悲喜謂之歡解頤旋復痛不
止君本著作才夙擅班揚技木蘭發高唱弓衣繡凡
幾想君滇南篇傳唱到金齒歸裝帶風雲邊入歌孔
邇諸蠻賣佩刀馴習知拜跪惠聲河渡虎清節閤懸
鯉政成膺上秩賢者當如是故人日頽唐行且還桑
梓待君買山資誓約休如水

三君祠

任嵩

攜來戍卒雜蠻耕嶺外殊方手削平借此避秦當一洞
翻成歸趙付連城拒關計定身先死托國才堪眼亦明
若使化爲鵲鳥去可應歲歲有悲鳴

尉陀

乘時割據亦雄誇竊得南荒萬里賒不逐中原秦失鹿
肯爲當道漢分蛇朝儀舊記尊黃屋廟貌今猶護碧紗
應笑同時老徐福瀛洲窮島國如螭

徐福造居瀛洲見後漢書東夷傳

陸賈

使車纔到卽臣佗懸結歡留誓偃戈三寸舌功高汗馬
一千金餽富歸駝遂收左蠡盟何速待請長纓費已多

可惜談鋒開嶺表未曾變得缺音訛

戲書

舞衣星散向天涯紅雪真憐似落花官閣竊聞鈴卒笑

冷如隔巷教官衙

府衙舊有梨園一部名紅雪班今皆散去

熱鬧場中另一家書生自笑太樸牙銷金帳底羊羔酒
未必輸君雪水茶

題陳望之太守長林遠望圖

寂歷長林下惟應靜者論中州詩派嫡前代黨人孫

望之

孫從居商邱

柳暗湖脣影苔深屐齒痕超然吟眺意晞髮向朝

曦

太保傅文忠公挽詞

柱石身尊鎮廟堂驚傳紫府下迎將問牛相業三台地

汗馬勲名兩戰場

公以平金川入相
征緬甸歸告終

推轂任隆增白髮飾巾

恩厚賜黃腸應知此痛關朝野不獨私情我暗傷

廿年宰相黑頭公一德堂廉

帝眷隆劍履雲臺身入畫河山鐵券策論功勲親人地

關休戚恩禮

君臣見始終從此日斜溫室樹更無
宣召到延中

公在時每

日厥朝心

言對

身任戎行釋

主憂驂驪倍道赴星郵濛濛零雨泥方滑跼跼飛鳶瘴

未收葛相征蠻勤五月豫州伐敵擊中流憶曾勸收金

江柁腸斷炎風渡戛鳩

地望尊崇總百臺敢期寒峻受栽培我無私謁偏投契
公不談文乃愛才去定仙官班上列生原佛地位中來
敬容今日餘殘客櫓散憑何倚不材

斷腸草

滿把青葱是何孽一枝三葉戾氣結見人輒作無風搖
意似相親工媚悅豈知毒過笑裏刀殺人不用持寸鐵
粵俗好逞一朝忿往往服之腸斷裂療法雖傳伏卵雞

見船窗夜話

醫經更瀝牡羊血

見蜀部疏

事起倉猝那及購購來或已

橋於舌我繙案牘何其多大呼空勞戒諭切曾聞汀州

王太守懸價秤收榜高揭

名廷掄見吳青壇嶺南雜記

前史又記劉興寧

援作贖刑廣搜扶

名熙祚見明史本傳

今病何嫌用古方後車自可

師前轍爰向訟庭立條約輕罰聽輸草準折一筥五斤
未爲苛草必速根勿畱蘖彙征義取拔茅連炎昇寧容
死灰熱邇來輕生獄漸少或亦借資此例設圖蔓雖覺
立法周拔本終慚爲政拙獨不見古時循吏治行高甘
雨和風澤流泄麥秀雨岐禾九穗不祥者除祥者苗徒
誇非種能誅鋤猶是區區一末節堪笑衆僚偏善說境
內惡萌已消滅

春祭再至南海神廟

廣利宮高俯巨溟重來秩祀炳蕭馨魚龍作禮春潮白
神鬼居歆夜火青重器尙留林靄鼓穹碑羣讓退之銘

愧無才比登州守敢望親看海市形

伶仃洋弔古

重溟極目浩無邊信國當年此播遷登岸已無乾淨土
乘桴猶冀挽回天力窮銜木難填海眼見栽桑欲變田
千載怒濤森噴薄丹心豈獨汗青傳

戰敗空坑落日陰殘兵尙撼暮潮音橫身滄海瀾方倒
回首神州陸已沉止水自投猶易事江萬里占城可遁獨何
心中問關百死還匡濟始覺孤臣殉國深

擢授貴西兵備道紀

恩述懷六首

珠江典郡一年多又指郵程可渡河

在威寧州黔滇分界處近貴西道駐劄地

官職

漸高唐觀察山川新訪漢牂牁長途但擬單車赴遺愛
慚無五袴歌在遠尙蒙

親簡擢微軀何以答

恩波

薦賢故是大臣爲

調制府李公

薄劣殊虛忝谷吹臣本布衣無

遠志士如畫餅豈充飢殷勤夾袋親題日慚愧囊錫漸
禿時私室拜恩吾豈敢祇應砥節報深知

擢官何事乞歸田別有離懷黯自牽天上除書

恩主眷風前殘燭老親年白雲飛處憐孤影黃紙宣來
是特遷直恐

君親成兩負一燈危坐轉悠然

以黔路遠遠老親不能偕行乞制府李公代奏終養公以余新擢官止之

也是塵根未斷芽一年宦跡落繁華
層樓欄柝番人宅
鯨室珠璣海客艫冰雪沁心無幻火
雲烟過眼總空花
輕裝收拾黔西去添得端溪硯頗誇

萬里黔陽信壯遊江山楚蜀綰襟喉
好從巴峽通巫峽
何用連州易播州椽燭治書重幕夜
星符馳檄百蠻秋
書生此福慚非分準折惟應惠績留

羅甸家家住碧蘿頻年忙爲大軍過
征徭已罷人思靜
苗獫雖愚今忍苛拙政尙憂吏事少
好官豈在得錢多
蜺旌熊軾非虛寵要有循聲入咏歌

中丞德公枉詩贈行敬次原韻誌別

曾隨鎖院校詞華

聚未分校禮閣公爲總裁

出守仍依蓮幕花科第公真

推老輩刑名我本愧專家趨塵鈴閣聽衙鼓陪祀珠宮

泛海霞

奉祭南海神
余從公往

正喜履綦隨侍慣那堪離思又無涯

安昌門下舊登堂本是公家弟子行

余曾試出總憲觀
公之門公從兄也

酒後

談詩揮玉麈花間接樂炙銀簪腐儒文字原芻狗薄俗

師生漸餽羊回首絳紗知遇在敢忘一顧自孫陽

一載趨承幕府間早衙入謁午衙還曾憐詞客才非吏

不笑參軍語帶蠻每向公庭寬禮數幾時使節重追攀

祇應心逐牂牁水流到珠江第幾灣

別淚無端濕袖邊爲官難得上司賢簿書吾敢居人後

器識公能相士先下瀨人遙書數寄上漚船險客孤遷

所欣攜得佳章去常有清光照四筵

光孝寺貫休畫羅漢歌

光孝寺羅漢像一幅相傳爲貫休畫朱竹垞詩
所謂貫休一十六羅漢其二乃在南海訶子林
一僧挽首力寫經一僧却立侍巾瓶者也按名
畫錄貫休羅漢十六幀胡貌梵相曲盡其態而
東坡自海南歸過清遠峽寶林寺作禪月所畫
大阿羅漢讚則有十八尊者清遠距南海不遠
此幅或卽寶林寺中物然以幅中一僧寫經一
僧侍立及窗前老猿拱立諸景證之讚辭無一
合者而王新城池北偶談記順治末吳人有以
貫休畫羅漢十八軸來京師鬻於愍忠寺價七

百金亦見宋牧仲筠廊偶筆則十八羅漢尙全
無因獨遺一幅在南海又劉侗帝京景物畧記
明萬歷中紫柏大師在明因寺夜夢十六僧請
挂瓶鉢明日有負巨軸十六來售者乃貫休所
畫羅漢遂重價購之則十六軸之羅漢亦尙未
分散此幅在光孝寺已數百年其非明因愍忠
二寺中物可知也按張世南遊宦紀聞謂貫休
羅漢自正本外別有臨摹二本而陸放翁亦以
禪月所畫十六大阿羅漢像施之法雲寺事載
渭南文集然則宋時已多副墨卽明因愍忠
二寺中所得真贋亦尙未可知此幅固難定爲

真蹟然筆法古勁梵相生動迥非宋以後人所
能竊意十八幅十六幅之完好者或轉係臨本
而此則真蹟中之一也爰書長句於後

雁肩梵僧默寫經目光炯炯明於星俛首不見肩以下
但見鼻準如膽瓶硯旁貝多三五葉涼風微捲戶不扃
僧雛侍側露半面枯槎槁木非人形復有老猿聳肩立
想具佛性含惺惺風旛堂前一展玩盎然古色浮窗櫺
年深絹素已黯澹獨餘神采流丹青問誰畫者禪月師
詩書雙絕繪事尤通靈我聞師畫羅漢一十六舊在景
德寺中聯卷軸偶然失却第五幀猶能示夢善女引歸
續東坡兩題寶林寺真蹟更有十八幅賓度羅至賓頭

盧各系讚辭異標目何哉此幅乃獨拋落南海濱翻成
無著離天親何不如仙蝶千里歸羅浮神劍一朝合延
津母乃杜光庭所笑數珠落地收無人或言雲堂院中
把筆日夢中親見諸應真圖成法相獨缺一遂貌已像
作一尊此圖倘卽自寫之本身人天間隔不能逐隊去
孤禪留鎖訶林春噫嘻乎從來書畫價高等瓊玖巧偷
豪奪靡不有戴嵩牛圖暗換米老筆右軍稊帖掣騙蕭
翼手繫茲粉本八百年嘉汝僧寮能世守幾與飲光寶
衣拘留澡瓶共不朽護持好結同龕眠藏弄莫遣押綱
走

廣州候代同沈秀才鳳翥吳畫士雲遊羅浮

得暇羅浮去扁舟發夜分月華涼在水山影澹於雲詩
思遙相入秋聲寂不聞出門纔數里已覺豁塵氛
梅花邨畔路廿載想躋攀仙佛俱留迹東南大好山地
欣百里近官恰暫時閒二客從遊好吾誇赤壁間

華首臺

生平夢想羅浮月今日方登華首臺
嚙哄遊山嫌俗甚先生交却印纔來

層層石磴勢蜿蜒緩步青驄不用鞭
最是遇仙橋畔路綠陰直到寺門前

聞聲尋到水潺潺合掌巖前路更彎
雲作輕陰風送爽天緣真箇爲遊山

披襟涼露入新秋清景真宜一拍浮
恰遇白衣人送酒

月華正到樹梢頭

攝博羅令康君
基田遣人送酒

題華首寺

兩山如臂抱堂皇中有精藍萬瓦藏
十里綠陰扶老杖
一簾紅雨坐禪牀
泉分竹筴烹茶潔
火蒸松柴煮飯香
怪底客來僧不起
六時課緊課金剛

宿冲虛觀

洞天風露宿三更
啞虎巡山夢不驚
八卦爐收丹竈冷
七星芒射斗壇清
茯苓地底蟠無迹
枸杞雲端咲有聲
便欲相呼勾漏令
羽衣天半共吹笙

冲虛觀前有東坡亭傳是公遺跡也卽用公遊羅

浮山示子過韻

義眉仙入下瑤京來作人世鸞鳳鳴晚年南尋抱朴老
羅浮山下梅花明至今遺跡一亭在繞階綠影蘇苔生
惜哉我生何太晚梅花邨已翻川耕憶公來遊少朋舊
逐臣四散車彭彭僅借翼穎守安輩行歌逐伴芒屨輕
我時若獲奉杖屨應許灑筆磨清吟七百餘年一瞋耳
相思但有月滿庭古松或曾手澤撫曲磴定荷履迹經
名流草木皆可敬況有鐫刻垂碑銘臨風慨想一長嘯
豈敢季孟山玄卿公之精靈倘在此庶當招我煙霄子

羅浮紀遊十首

生平慕羅浮嶺嶠苦難到一官得廣州謂可領其奧終

歲守簿領依然限登眺今年幸遷官候代未就道及此
不一遊恐貽終身懊座客况二士雅興有同調休文蔚
詞華道子擅墨妙酒間贊予決遂鼓中流櫂一葦凌茫
然清風已盈抱

言過扶胥口月色何茫茫東連虎門海南接獅子洋是
時正潮上萬頃玻瓈涼榜人發櫂謳船月相低昂使我
興嚴舉一飲連十觴本爲遊山來先此弄水光賞心隨
所遇始識無盡藏遊山必於山膠滯非通方水盡山則
到吾亦辭舟航

花手一小菴是爲初禪地丈室雖精嚴平墟少幽邃迤
邐入山麓引人漸深致一磴一迂迴萬松萬蒼翠磴道

轉欲窮松陰接猶翳肅然華首臺山僧拱而企入門得
瀟灑庭齋潔無滓鐘魚勤課誦經卷妥位置其後合掌
巖徑以曲逾闕飛泉百丈瀉奇石兩崖閉何許好溪山
多爲僧占寄

迢迢黃龍洞南漢大華宮我來拾級登邱壑何玲瓏山
半雙瀑布萬古懸長虹其上羽人居呼吸帝座通高榕
五畝蔭平石千人容澗水所來處流出山花紅想見昔
繁華亭榭結拂工何哉時代易瓦礫無遺踪惟有湛甘
泉崇祠在其東云昔此講學至今欽高風乃知儒者力
能勝偏霸雄

蓬萊失左股浮來與羅處旣已浮而來何不浮而去鐵

橋實貫之鈎連止其所穹然一石梁下瞰瀑如雨危棧
怯支筇獨約愁滑屨想當構架時椎鑿費神杵過此峯
益奇了了數可縷窈窕窺麻姑娉婷立玉女旁有老人
峯昵若相爾汝山行一調笑不覺出諧語何哉神仙姝
結此衰醜侶

玉女麻姑老
人皆峯名

飛雲五千仞

飛雲峯爲羅
浮極高處

雲聚族而衆我行入迷茫目力不

得縱蓬蓬觸石出鬱勃誰能控一東又一西如迎復如
送有時兩相薄便欲作陣闕天風來撼之吾身與俱動
回看諸峯頭滅沒若浮甕咄哉信奇觀盛氣涵洞終
歲頂自封昏如不醒夢君看曦輪光欲漏苦無縫却問
山下人赤日炙背痛

間有大蝴蝶佳客至輒迎又有五色雀飛鳴爲導行我
來一無遇得非嫌荒僉言訪葛洪居有洞曰朱明冲虛
觀之後一竅開神屬相傳通句曲路可尋茅盈玲瓏璇
室啓歲蕤瑤草生此語恐未然可詭徒虛名誰能入墨
穴與證地底程古來誌怪書大抵意造成

遙望北山巔有人癯而坐

是日宿冲虛觀所見

疑是神仙流經謫偶

此墮詢之道童云觀中推上座黃白曾不談吐納亦不
課往往採藥去能耐十日餓我聞益驚詫謂得箇中箇
策馬急就之與語問所做未解爲鳥仲但誇伴虎臥斯
言則已淺非有方術大特一樸野人好靜息勞瘴凡事
須目察真僞乃不錯假使遇此老不爲親勘破應貽平

生恨謂異人蹉過

辛卯寄元道山詩
好句眼前常蹉過

殷勤張道士貽我珍產殊繭採仙裙蜨泥刷丹竈鑪萬
年藤條杖五雷竹葉符多謝道士意一一羅瓘瑜符書
實蟲蛙蝶繭非鳳雛葛翁去已久有丹味亦枯何況竈
上泥撮土徒區區惟此古藤杖植根山之隅年深雪霜
鍊筋瘦脫盡膚堅逾青藜拄輕簪筇竹扶歸以奉老親
壽與此藤俱

茲山在中原未必首屈指獨其靈秀殊發現雲與水四
百三十峯峯峯有雲起七十有二溪溪溪有水淵我行
半天下名山閱萬里若論雲水多未見有及此雲者山
之氣水者山之髓如人精與神內足斯外美可知茲山

靈清淑孕其裏我生到何幸惜哉日無幾候吏催下山
控我馬行駛明日梅花邨回首空倚徙路循溪水清山
隔暮雲紫

羅浮歸途遇大風舟幾覆口占

正喜勝遊歸狂飈忽作威吼應吹海立猛欲拔山飛失
箸羹翻按跳珠浪濺衣腐儒慙一樂卽事有危機

用德中丞韻奉別制府李公

別緒催人髣欲華况堪節候近黃花官真踏雪鴻留爪
人比辭巢燕憶家絕棧關心山路雨孤舟回首海天霞
那禁灑淚門牆外待我情深未有涯

入覲推賢政事堂賤名書在最先行感公心自空如鏡

愛我才學巧有簧三木刑輕清狴犴五紕絲儉衣羔羊
所慚薄劣非開濟恐負吹噓黍谷陽

纔得除書匝月間又從公欲乞身還自因親舍皤雙髻
敢爲官程落百蠻寒士襟期無遠大老人骨肉要追攀
此情雖未蒙憐許也誠離懷滿海灣

初出承明爲守邊量移幸得近名賢不嫌論事干回瀆
每見當幾一著先揮塵豈殊師弟對書紳忍遂歲時遷
難忘更是臨分日清訪惓惓絮別筵

翁覃溪學使用德中丞韻贈行卽次奉答

炎微同看若木華離筵忽漫別缸花樽前別路動千里
海內詞壇今幾家吾老秋風生白髮公名曉日麗朱霞

臨分不惜重攜手後會迢然未有涯

隻手輪扶大雅堂七年槐柳已成行使艤寂寂無歌扇

公嫌綠篷船脂粉男
製一舫顏曰葦齋

鄉校僉僉有鼓簫經義湛深堪折鹿捧錢

清穩似脩羊聲名官職真兼擅還與諸生鬧紫陽

衙齋清閤兩三間舊雨偏容數往還金石遺文搜鳥篆

虞衡小誌譜魚蠻

公著續史金
石攷將成

賞奇不覺花陰轉畧分何嫌

履跡攀此樂固知非易得秋風吹我去江灣

經年同宦粵江邊敢附名流說兩賢我政人將書考下

公文世已睹爭先履聲佇曳星辰去髀肉私悲歲月遷

此意只應知己識不禁枵觸對離筵

附
原作

翁方綱

囊雲兩袖欸天華及訪黃龍洞裏花五嶺五羊今踏

遍一琴一鶴本君家新詞記驛懷莊躋舊夢題名共

少霞倚篴魚珠聽夜雨恍移鄰屋漲江涯

君官京師日與余比鄰今君將

赴黔先作羅浮之遊故詩及之

蒲蓮葭葦詠溪堂選徧說弟子行十郡首豐魚稻

麥二湖歌載瑟笙簫行開百峒分銅虎更上三峰叱

石羊

青羊石羅浮峰名

久爾羅浮圖一幅合離風雨點斜陽

銅鼓山高瘴霧間詩情莽共粵江還城陰嵐氣迴千

里石綠丹砂繞百蠻賦農商途萃聚榕根士女記

追攀泉流百磴盤雲細渾照冰條碧一灣

十載南宮列宿邊山公清鑒不遺賢合併舊雨燈窗

憶又聞春風嶺樹先氣凜蛟龍靜魚鱗種羅椒桂到
君遷更淡長養旬宣術不是區區爲別筵

發未春與君同
與分校禮闈

舒廣州陳韶州高肇慶三太守餞我於署園梨園
兩部追歡惜別卽席有作

祖帳淡叨酒滿尊梨園兩部簇歌塵經年履舄同遊隊
千里關河獨去人南國花前紅豆曲西風江上綠楊津
平時愛作逢場戲淒斷今宵月似銀

哭鐵驛

驛爲余從軍時晨夕所騎雖有副馬不用也上
下岡坂曾無一失色純黑軍中呼爲鐵驛事訖
歸鎮安移廣州皆從今將赴黔水程遠不能載

往爰贈番禺張令甫去一夕死詩以哭之

作吏未惠民遑敢說愛物何哉一騾死翻爲淚痕溢憶
昨從滇軍市駿備馳突汝忽應募來黑光潤如漆昂藏
五尺高氣壓馬萬匹試之知其良不煩駕馭術我慕驄
馬工汝步何俊逸我羨駿驄駛汝走何迅疾但口不能
言意向早洞悉雄姿况瘦勁色鐵骨亦鐵出門二十里
毛竅汗未濕按轡方緩行從騎奔始及巨礮轟一聲驪
黃盡股慄屹立獨不動四蹄儼卓筆爰作我的盧不許
僮僕叱相倚互爲命汝足卽我膝下鞍與汝兩上鞍與
汝一滇南多巉巖登頓弗自恤溪恐汝力盡勒銜每暫
歇鼻息喘向天沸成雲滂勃慟勞摩汝頸汝亦若就暱

但有依依情絕無悻悻色此段可憐意至今耿耿沒兩
年無刻停萬里未一蹶事訖歸官衙策勳憤以供相隨
粵西東日飼青芻茫無何又移官難共載水驛忍換名
姬姿肯賣市僧直爲擇同官贈吾願庶粗畢胡爲甫出
關一夕遽告卒嗟豈前生債只許供我役否則義烈心
離主甘就歿所悲艱難際用汝力幾竭及夫身就閒棄
擲命不活追維子方語此事痛至骨